







此篇當與范
睢蔡澤傳並
觀

摹寫商君峻
法有此一着

纔工

貪位貪名雖

自道實微有

譏刺商君意

與貪字暗

相呼應

反聽之謂聰

內視之謂明

自勝之謂強

反聽內視者

趙良說商君

商君相秦十年宗室貴戚多怨望者趙良見商君商

君曰鞅之得見也從孟蘭臯言從此人得見趙良今鞅請得交

可乎趙良曰僕弗敢願也孔丘有言曰推賢而戴者

進聚不肖而王者退僕不肖故不敢受命僕聞之曰

非其位而居之曰貪位非其名而有之曰貪名僕聽

君之義則恐僕貪位貪名也故不敢聞命商君曰子

不說吾治秦與趙良曰反聽之謂聰內視之謂明自

勝之謂強虞舜有言曰自卑也尚矣君不若道虞舜

之道無爲問僕矣商君曰始秦戎翟之教父子無別

反已觀省之
謂自勝云者
內有以克乎
已私則天理
勝乎人僞自
能剛而立也
索隱謂守謙
敬而人自伏
雖與下文自
卑之言合然
恐非本義也
以上先暗叙
五穀大夫名
功教壽四德
俱本虞舜有
言自卑意

同室而居。今我更制其教。而爲其男女之別。大築冀
闕。營如魯衛矣。子觀我治秦也。孰與五穀大夫賢。趙
良曰。千羊之皮。不如一狐之腋。千人之諾諾。不如一
士之諤諤。武王諤諤以昌。殷紂墨墨以亡。君若不非
武王乎。則僕請終日正言。而無誅可乎。商君曰。語有
之矣。貌言華也。至言實也。苦言藥也。甘言疾也。夫子
果肯終日正言。鞅之藥也。鞅將寧。子子又何辭焉。趙
良曰。夫五穀大夫。荆之鄙人也。聞秦繆公之賢。而願
望見行。而無資。自鬻于秦客。被褐食牛。期年。繆公知
之。舉之牛口之下。而加之百姓之上。秦國莫敢望焉。

指寫其功德
處言言鄭重

相秦六七年而東伐鄭三置晉國之君置君謂立晉惠公懷公文

公一救荆國之禍救禍謂會晉發教封內而巴人致

貢施德諸侯而八戎來服繇余聞之款關請見五羖

大夫之相秦也勞不坐乘暑不張蓋行于國中不從

車乘不操干戈功名藏于府庫德行施于後世五羖

大夫死秦國男女流涕童子不歌謠春者不相杵相助

以下一切應
商君本傳又

也歌以此五羖大夫之德也今君之見秦王也因嬖

一一反五羖
大夫

人景監以為主非所以為名也相秦不以百姓為事

而大築冀闕非所以為功也刑黥太子之師傅殘傷

民以駿刑是積怨畜禍也教之化民也深于命教謂商君

左建外易與
發教相反

之令也。命謂秦君之命。民之效上也。捷于令。上謂鞅也。言秦人畏鞅甚于君。

令謂君。今君又左建外易。左道建直威權。在外革易君命。非所以為

教也。君又南面而稱寡人。日繩秦之貴公子。詩曰。相

鼠有體。人而無禮。人而無禮。何不遄死。以詩觀之。非

所以為壽也。公子虔杜門不出已八年矣。君又殺祝

懽而黥公孫賈。詩曰。得人者興。失人者崩。此數事者

非所以得人也。君之出也。後車十乘。從車載甲多力

而駢脅者。為駟乘持矛而操闔戟者。旁車而趨。此一

物不具。君固不出。書曰。恃德者昌。恃力者亡。君之危

若朝露。尚將欲延年益壽乎。則何不歸十五都。灌園

按趙良之說
商君即蔡澤

非所以得人
與由余款關
相反
出盛重從興
行于國中相
反

之說應侯也
彼所謂顯岩
穴之士其寓
意微矣假令
鞅能荐良以
自代歸商于
避賢者路豈
不身名兩全
哉惟其不能
卒之車裂族
滅悲夫

于鄙勸秦王顯巖穴之士養老存孤敬父兄序有功
尊有德可以少安君尚將貪商於之富寵秦國之教
畜百姓之怨秦王一旦捐賓客而不立朝人君死臣子不欲斥
言故託云秦國之所以收君者豈其微哉亡可翹足
而待商君弗從

王 鑒曰趙良說商君皆正言

唐順之曰陳商君罪過處烟波千里勸商君避位處

弄丸掌中

張以忠曰蔡澤之說應侯反覆婉暢趙良之說商君
深切著明應侯用之以令終商君違之以

惟禍雖非獨能知幾也雖深而狡心知鄭
安平王稽之事昭王內實委咎而已亦功
過掩懼禍將及故肯從容以去鞅險而
刑必加于貴戚法不弛于太子孝公任
人專而已之功博故毅然安于其位而無
疑迨乎出亡無所舍始知爲法之弊亦既
晚矣雖然鞅之身誅族赤雖明哲之不足
亦天道之宜然又豈特係一不師趙良之
言也哉

楚黃歇說秦昭王

此句是有名
大篇絕奇峭

而流暢

一幅絕異山

水

起得明爽

詞氣雍容不

迫

此見歇之善
說處

肆筆成文峭
語亦錯出

天下莫强于秦楚。今聞大王欲伐楚。此猶兩虎相鬪
而駑犬受其敝。不如善楚。臣請言其說。臣聞之物至
而反。至極也冬夏是也。致至而危。累棋是也。致言取物
置之物上
今大國之地。半天下有二垂。垂邊也此從生民以來。萬
乘之地。未嘗有也。先帝文王武王。王之身三世而不
接地於齊。以絕從親之要。不接地不與
通也要約也今王使成喬
守事於韓。成喬已北入燕。成喬秦人守待也入
燕使燕人朝于秦也是王
不用甲。不伸威。而出百里之地。王可謂能矣。王又舉
甲兵而攻魏。杜大梁之門。舉河內。拔燕酸棗。虛桃人。

皆魏邑

楚燕之兵雲翔而不敢校王之功亦多矣

翔散也

王休甲息衆二年然後復之又取蒲衍首垣以臨仁

平丘小黃濟陽嬰城

嬰猶縈也蓋二邑一環兵自守

而魏氏服矣王

又割濮磨之北屬之燕斷齊秦之要絕楚魏之脊天

下五合六聚而不敢救也王之威亦憚矣

憚可畏也

王若

能持功守威省攻伐之心而肥仁義之誠使無復後

患三王不足四五霸不足

也王若負人徒之衆恃

甲兵之強乘毀魏氏之威而欲以力臣天下之主臣

恐有後患詩云靡不有初鮮克有終易曰狐濡其尾

此言始之易終之難也何以知其然也智氏見伐趙

雖爲楚說秦

亦是確論

鼓舞

聳悞

平雅

以上說秦之

強及有戰功

當慎重以爲

終始

分兩段作波

瀾

引二國以過

信得敗正見

韓魏不可信

再翻作一轉

倒應

婉入

冷語微轉

之利而不知榆次之禍也。吳見伐齊之便而不知干
 隧之敗也。此二國者非無大功也。沒利於前而易患
 於後也。吳之信越也。從而伐齊。遂攻齊人於艾陵。還
 為越王禽於三江之浦。智氏信韓魏從而伐趙。攻晉
 陽之城。勝有日矣。韓魏反之。殺智伯瑤於鑿臺之上。
 今王妒楚之不毀也。而忘毀楚之強魏也。臣為大王
 慮而不取。不毀謂無傷也。強韓魏謂楚毀不能侵之故。強也。詩云。大武遠宅
 不涉。威武之大者遠安定。不必涉其地也。從此觀之。楚國援也。鄰國
 敵也。詩云。他人有心。予忖度之。躍躍兔兔遇犬獲之。
 今王中道而信韓魏之善王也。此正吳信越也。臣聞

韓魏一段說

秦之暴虐與

二國之被折

可怨可恨不

待語終

此言韓魏仇

秦不可借以

攻楚亦不可

由其地以出

兵而楚地又

不可出兵皆

敵不可易。時不可失。臣恐韓魏之卑辭慮患而實欺。
大國也。王既無重世之德於韓魏。而有累世之怨焉。
重世也。再世也。夫韓魏父子兄弟接踵而死於秦者十世矣。
本國殘。社稷壞。宗廟隳。刳腹折頤。首身分離。暴骨草
澤。頭顱僵仆。相望於境。父子老弱。係虜相隨于路。鬼
神狐祥。無所食。狐為妖者。無所食。無人為依也。百姓不聊生。族類離
散。流亡為臣妾。滿海內矣。韓魏之不亡。秦社稷之憂
也。今王之攻楚。不亦失乎。且王攻楚之日。則惡出兵。
王將藉路于仇讎之韓魏乎。兵出之日。而王憂其不
反也。是王以兵資於仇讎之韓魏。王若不藉路於仇

極理勢

剖利害盡

忽然提出齊來

當時齊最大又提出作一折最有輕重深中事机不貪傾聽

讎之韓魏必攻隨陽右壤此皆廣川大水山林谿谷
 不食之地王雖有之不為得地是王有毀楚之名無
 得地之實也且王攻楚之日四國必悉起應王四國齊韓
 魏趙也應王魏趙也應王秦楚之兵構而不離魏氏將出兵而攻
 躡秦後也躡秦後也留方與鉅胡陵碭蕭相故宋必盡七邑故宋地齊人南面
 泗北必舉此皆平原四達膏腴之地也而王使之獨
 攻秦與楚戰不暇救七邑及泗北王破楚於以肥韓
 魏於中國而勁齊韓魏之強足以校於秦矣校敵也而
 齊南以泗為境東負海北倚河而無後患天下之國
 莫強於齊齊魏得地葆利而詳事下吏詳其事以下于吏慎重之

竟摩着意中

此下文勢雄

肆語更多險

勁

此書議論反

覆其要歸只

在莫若善楚

一句文字何

等緊嚴

以韓魏齊作

三層

謂四國不得
相救

意一年之後為帝若未能於以禁王之為帝有餘夫

以王壤土之博人徒之眾兵革之強而注地於楚詔

令韓魏歸帝重於齊是王失計也注猶屬也臣為王

慮莫若善楚秦楚合而為一以臨韓韓必授首王襟

以山東之險蔽障如襟帶以河曲之利圍繞如帶韓必為關中

之候候候吏也若是王以十萬戍鄭梁氏寒心許鄢陵一

城上蔡召陵不往來也如此而魏亦關內侯矣王一

善楚而關內二萬乘之主注地於秦齊之右壤可拱

手而取也是王之地一經兩海要絕天下也言秦地自西海

亘東海中是燕趙無齊楚齊楚無燕趙也然後危動斷天下也

燕趙持齊楚此四國者不待痛而服矣

危動以危亡之事恐動之

持劫也痛言攻伐之酷

許應元曰歇之策所謂善息者也當是時秦必不能

悉舉楚而易中五國之禍是秦所憂也故

卒聽歇其後秦并六國其調度盡歇策

凌約言曰春申君知秦遣白起上書阻之廼不明言

其事僅以善楚不善楚之利害聳動其聽

而士卒自止亦善說矣

張以忠曰奇恣仍精整字內雄文

范雎說秦昭王

此處欲言不言最妙然非善形容不能見其次序

已入彀中

文疏言深四字開端甚妙

文氣縱逸

動秦王又在此數句

范雎至秦王屏左右宮中虛無人秦王跽長而請曰先生何以幸教寡人范雎曰唯唯有間秦王復跽而請曰先生何以幸教寡人范雎曰唯唯若是者三秦王跽曰先生卒不幸教寡人耶范雎曰非敢然也臣聞昔者呂尚之遇文王也身為漁父而釣於渭濱耳若是者交疏也已說而立為太師載與俱歸者其言深也故文王遂收功於呂尚而卒王天下鄉音向使文王疏呂尚而不與深言是周無天子之德而文武無以成其王業也今臣羈旅之臣也交疏於王而所願

處人骨肉之間暗指太后

穰侯

奇肆

臣非有畏一

句為下文患

憂恥之綱下

文憂患恥三

句即非有畏

之意又為下

三段之綱

疊下三不足

以字及五死

字文如貫珠

五死字照上

死字此段言

死不足為臣

患

伍子胥夜行

陳者皆匡君之事處人骨肉之間謂欲言太后及穰侯事願效

愚忠而未知王之心也此所以王三問而不敢對者

也臣非有畏而不敢言也臣知今日言之于前明日

伏誅于後然臣不敢避也大王信能行臣之言死不

足以為臣患亡不足以為臣憂漆身為癩被髮為狂

不足以為臣恥且以五帝之聖焉而死三王之仁焉

而死五伯之賢焉而死烏獲任鄙之力焉而死成荊

孟賁王慶忌夏育之勇焉而死死者人之所必不免

也處必然之勢可以少補於秦此臣之所大願也臣

又何患哉伍子胥橐載而出昭關楚關名夜行晝伏至

書應上亡
字此段言亡
不足為臣憂

箕子接輿應
上為癡為狂
字此段言不
足為臣恥上
面說何患何
憂何恥正叫
起臣之所恐
數句以聳動
之昭王安得
不且駭且愕

竦動

看他總鎖處
字眼極精神

於深水無以餬其口。膝行蒲伏。匍匐同稽首肉袒鼓
腹吹篴乞食于吳市。卒興吳國闔閭為伯使臣得盡
謀如伍子胥加之以幽囚。終身不復見。是臣之說行
也。臣又何憂。箕子接輿漆身為癡。被髮為狂。無益於
主。假使臣得同行於箕子。可以有補所賢之主。是臣
之大榮也。臣有何恥。臣之所恐者。獨恐臣死之後。天
下見臣之盡忠而身死。因以是杜口裹足。莫向秦耳。
足下上畏太后之嚴。下惑奸臣之態。居深宮之中。不
離阿保之手。終身迷惑無與。昭奸大者。宗廟滅覆。小
者身以孤危。此臣之所恐耳。若夫窮辱之事。死亡之

六用先生字
五用寡人字

此時昭王之
心惟恐范雎
不言秦國不
保故上及太
后且欲爲之
甘心又何有
于大臣哉

患○臣○不○敢○畏○也○臣○死○而○秦○治○是○臣○死○賢○於○生○秦○王○跽○
曰○先○生○是○何○言○也○夫○秦○國○僻○遠○寡○人○愚○不○肖○先○生○乃○
幸○辱○至○於○此○是○天○以○寡○人○恩○胡困反猶先○生○而○存○先○
王○之○宗○廟○也○寡○人○得○受○命○於○先○生○是○天○所○以○幸○先○生○
而○不○棄○其○孤○也○先○生○奈○何○而○言○若○是○事○無○小○大○上○及○
太○后○下○及○大○臣○願○先○生○悉○以○教○寡○人○無○疑○寡○人○也○

楊 慎曰有起有伏有闔有關有照應有關鎖此先

秦一篇極善結構文字

張以忠曰氣脉沉古頓挫雄宕

蔡澤說應侯辭位

范雎以亡囚而欲間骨肉

蔡澤聞應侯任鄭安平

魏齊困范雎安平匿之時安平擊魏以二萬人降趙王

蔡澤以羈旅而欲代相行

稽通諸皆負重罪于秦應侯內慙蔡澤乃西入秦將

天下之至難其勢必危言

見昭王使人宣言以感怒應侯曰燕客蔡澤天下雄

則不能激動故澤之宣言

俊弘辯智士也彼一見秦王秦王必困君而奪君之

困雖即雎之

位應侯聞曰五帝三代之事百家之說吾既知之衆

言無王也

口之辯吾皆摧之是惡能困我而奪我位乎使人召

之辭

蔡澤蔡澤入則揖應侯應侯固不快及見之又倨應

直答然字最

侯因讓之曰子常宣言欲代我相秦寧有之乎對曰

妙詞少緩氣少歉即挫矣

然應侯曰請聞其說蔡澤曰吁君何見之晚也夫四

四時之序成
功者去此一
篇主意後反
覆議論要不
外此

時之序成功者去夫人生百體堅彊手足便利

謂體彊則

手足輕快

耳目聰明而心聖智豈非士之願與應侯曰然

蔡澤曰質仁秉義行道施德得志于天下天下懷樂

敬愛而尊慕之皆願以為君王豈非辯智之期與

辯智

者其志期在此

應侯曰然蔡澤復曰富貴顯榮成理萬物使

各得其所性命壽長終其天年而不夭傷天下繼其

統守其業傳之無窮名實純粹澤流千里世世稱之

而無絕與天地終始豈道德之符而聖人所謂吉祥

善事者與應侯曰然蔡澤曰若夫秦之商君楚之吳

起越之大夫種其卒然亦可願與應侯知蔡澤之欲

范睢只爲畏
死故蔡澤便
以死恐之其
曰殺身成名
雖死無憾強
詞也

困已以說復謬曰何爲不可夫公孫鞅之事孝公也
極身無貳慮盡公而不顧私設刀鋸以禁姦邪信賞
罰以致治披腹心示情素蒙怨咎欺舊友奪魏公子
卹安秦社稷利百姓卒爲秦禽將破敵攘地千里吳
起之事悼王也使私不得害公讒不得蔽忠言不取
苟合行不取苟容不爲危易行行義不辟難然爲霸
王彊國不辭禍咎大夫種之事越王也主雖困辱悉
忠而不解主雖絕亡盡能而弗離成功而弗矜富貴
而不驕怠若此三子者固義之至也忠之節也是故
君子之義死難視死如歸生而辱不如死而榮士固

雖欲說雖退
位而實稱其
賢故言易入
然說亦正

只將一死字
難倒范睢終
篇竟以死恐
之

有殺身以成名。唯義之所在。雖死無所恨。何爲不可。
哉。蔡澤曰。主聖臣賢。天下之盛福也。君明臣直。國之
福也。父慈子孝。夫信妻貞。家之福也。故比干忠而不
能存。殷子胥智而不能完。吳申生孝而晉國亂。是皆
有忠臣孝子。而國家滅亂者。何也。無明君賢父。以聽
之。故天下以其君父爲僂辱。而憐其臣子。今商君吳
起。大夫種之爲人。臣是也。其君非也。故世稱三子致
功。而不見德。豈慕不遇世死乎。夫待死而後可以立
忠成名。是微子不足仁。孔子不足聖。管仲不足大也。
夫人之立功。豈不期于成全耶。身與名俱全者。上也。

此下議論不
激不阿自有
綿裏藏針手
段
口氣舒徐

是時范雎雖
甚憂疑而猶
或恃秦玉親
我故澤以此
動之
條陳利害令
其自擇意婉
曲詞懇到

名可法而身死者其次也。名在僂辱而身全者下也。
于是應侯稱善。蔡澤少得間。因曰。夫商君吳起大
種。其為人臣盡忠。致功則可。願矣。閔天事文王。周公
輔成王也。豈不亦忠聖乎。以君臣論之。商君吳起大
夫種。其可願孰與閔天周公哉。應侯曰。商君吳起大
夫種弗若也。蔡澤曰。然則君之主慈仁任忠。惇厚舊
故。其賢智與有道之士為膠漆。義不倍功臣。孰與秦
孝公。楚悼王。越王乎。應侯曰。未知何如也。蔡澤曰。今
主親忠臣。不過秦孝公。楚悼王。越王。君之設智能為
主安危。修政治亂。彊兵批患。折難廣地。植穀富國。足

結上

閑合最有精神
神是一篇警策處

范雎一生不
過快意恩讐

家彊主尊社稷顯宗廟天下莫敢欺犯其主主之威
蓋震海內功彰萬里之外聲名光輝傳于千世君孰
與商君吳起大夫種應侯曰不若蔡澤曰今主之親
忠臣不忘舊故不若孝公悼王勾踐而君之功績愛
信親幸又不若商君吳起大夫種然而君之祿位貴
盛私家之富過于三子而身不退者恐患之甚于三
子竊爲君危之語曰日中則移月滿則虧物盛則衰
天地之常數也進退盈縮與時變化聖人之常道也
故國有道則仕國無道則隱聖人曰飛龍在天利見
大人不義而富且貴于我如浮雲今君之怨讐讐而

蔡澤直說出
睢心事真善
說者

議論大足令
貪權戀勢之
夫憬然警醒

國君不知時
退猶不免畔
且亡況相人
國者而可成
功久處

德已報意欲至矣而無變計竊爲君不取也且夫翠
鵠犀象其處勢非不遠死也而所以死者惑于餌也
蘇秦智伯之智非不足以辟辱遠死也而所以死者
惑于貪利不止也是以聖人制禮節欲取于民有度
使之以時用之有止故志不溢行不驕常與道俱而
不失故天下承而不絕昔者齊桓公九合諸侯一匡
天下至于葵丘之會有驕矜之志畔者九國吳王夫
差兵無敵于天下勇彊以輕諸侯陵齊晉故遂以殺
身亡國夏育太史噉叱呼駭三軍然而身死于庸夫
此皆乘至盛而不返道理不居卑退處儉約之患也

叙三子之功
與前無一字
同妙甚

此又增入白
起不惟激以
事而且動其
心尤切

夫商君爲秦孝公明法令。禁姦本尊爵。必賞有罪。必
罰平權衡。正度量。調輕重。決裂阡陌。以靜生民之業。
而一其俗。勸民耕農。利土一室。無二事。力田穡積。習
戰陳之事。是以兵動而地廣。兵休而國富。故秦無敵
于天下。立威諸侯。成秦國之業。功已成矣。而遂以車
裂楚地方數千里。持戰百萬。白起率數萬之師。以與
楚戰。一戰舉鄢郢。以燒夷陵。再戰南并蜀漢。又越韓
魏而攻彊趙。北坑馬服。誅屠四十萬之衆。盡之于長
平之下。流血成川。沸聲若雷。遂入圍邯鄲。使秦有
帝業。楚趙天下之彊國。而秦之仇敵也。自是之後。楚

歷叙四子不
善居功以致
奇禍而陶朱
公獨以見幾
令終一去一
不去得失判
然平平劇論
要不外成功

趙皆懾伏不敢攻秦者白起之勢也身所服者七十
餘城功已成矣而遂賜劒死于杜郵吳起爲楚悼王
立法卑減大臣之威重罷無能廢無用損不急之官
塞私門之請一楚國之俗禁遊客之民精耕戰之士
南收楊越北并陳蔡破橫散從使馳說之士無所開
其口禁朋黨以厲百姓定楚國之政兵震天下威服
諸侯功已成矣而卒枝解大夫種爲越王深謀遠計
免會稽之危以亡爲存因辱爲榮墾草入邑入猶充也謂招
携離散充辟地植穀率四方之士專上下之力輔勾
滿城邑也踐之賢報夫差之讐卒擒勁吳令越成霸功已彰而

者退一語

忽然宕出范蠡筆法奇妙

聳動

信矣。勾踐終負而殺之。此四子者。功成不去。禍至于此。此所謂信而不能詘。往而不能返者也。范蠡知之。超然辟世。長為陶朱公。居陶易君獨不觀夫博者乎。或欲大投。大言或欲分功。分勝者此皆君之所明知也。今君相秦計不下席。謀不出廊廟。坐制諸侯。利施三川。以實宜陽。決羊腸之險。塞太行之道。又斬范中行之塗。斬謂絕之。此言六國不得合從。棧道千里。棧也。施于險絕。通于蜀漢。此天下皆畏秦。秦之欲得矣。以濟不通。君之功極矣。此亦秦之分功之時也。如是而不退。則商君白公吳起大夫種是也。吾聞之。鑒于水者。見面

此直欲其辭
位而去則能
賢如古人壽
如喬松子孫
世享祿位無
絕人臣立功
持已所深願
而不可得者
皆萃于應侯
之一身矣

聞澤一說而
遽欲辭位亦
應侯知足處

之容鑒于人者知吉與凶書曰成功之下不可久處
四子之禍君何居焉君何不以此時歸相印讓賢者
而授之退而巖居川觀必有伯夷之廉長為應侯世
世稱孤而有許由延陵季子之讓喬松之壽喬王子晉松赤
子松孰與以禍終哉即君何居焉忍不能自離疑不能
自決必有四子之禍矣易曰亢龍有悔此言上而不
能下信而不能詘往而不能自返者也願君熟計之
應侯曰善吾聞欲而不知止失其所以欲有而不知
足失其所以有先生幸教睢敬受命

鮑彪曰周衰辯士皆矜材角智趨于利而已惟澤

爲近明哲保身之策故其得位不數月引
去優遊于秦以封君今終非苟知之亦允
蹈之澤之謂乎

張以忠曰識高論邃而雄辯處又復辭鋒馳驟愷切
閑深豈非偉筆

韓非初見秦王

此文跌宕類
蘇秦然章法
句法起結照
應獨邁紀律

讀此文五百

餘遍乃知真
生龍也

一篇主意在
力排謀臣之

不忠而欲獨
進其說

先言六國之
從難成次極

言謀臣之不
忠而六國之

從不難成末
乃言已為秦

臣聞之弗知而言為不智。知而不言為不忠。為人臣
不忠當死。言不審亦當死。審悉雖然臣願悉言所聞。
大王裁其罪。裁制也臣聞天下陰燕陽魏。陰北陽南連荆固
齊。始皇諱其父稱楚曰荆時山東國齊收餘韓成從
將西面以與秦為難。臣竊笑之。世有三亡而天下得
之。其此之謂乎。臣聞之曰。以亂攻治者亡。以邪攻正
者亡。以逆攻順者亡。今天下之府庫不盈。困倉空虛。
悉其士民。張軍數十百萬。白刃在前。斧質在後。而皆
去之不能死。非其百姓不能死也。言賞則不與。言罰

破從以成霸

王者是一篇

大開合

文氣雄勁

蘇張費許大

唇舌只用斷

死二字將從

前稟曰俱脫

今秦至甚大

功也言秦有

霸王之資然

而甲兵等數

句言秦無霸

王之業乃所

以起歸罪謀

臣之意文有

關鍵

則不行。賞罰不行。故民不死也。今秦出號令而行賞
罰。不攻耳。無相攻事也。言秦有不攻耳。無敢與相攻者。出其父母懷
衽之中。生未嘗見寇也。聞戰頓足。徒裼犯白刃。蹈煨
炭。斷死于前者。比比是也。夫斷死與斷生也。不同而
民爲之者。是貴奮也。奮言勇。不顧死。一可以合十。十可以合
百。百可以合千。千可以合萬。萬可以勝天下矣。今秦
地形斷長續短。方數千里。名師數百萬。秦之號令。賞
罰。地形利害。天下莫如也。秦有斷死之利。諸侯有以
不死之害。故不如秦。此與天下。天下不足兼而有也。與與之爭。是知秦戰未嘗
不勝。攻未嘗不取。所當未嘗不破也。開地數千里。此

此段言謀臣
不盡其忠以
激怒之

此言齊閔王
一戰而亡以
聳動之

以下詳數謀
臣不忠

此言破楚而
不取為失計

有波有勢

甚大功也。然而甲兵頓。士民病。蓄積索。

頓弊也。索盡也。田疇

荒。困倉虛。四鄰諸侯不服。霸王之名不成。此無異故。

謀臣皆不盡其忠也。臣敢言往昔。昔者齊南破荆。東

破宋。西服秦。北破燕。中使韓魏之君。

兩國從其役。

地廣而

兵彊。戰勝攻取。詔令天下。清濟濁河。足以為限。長城

鉅防。足以為塞。齊五戰之國也。一戰不勝。而無齊。

燕昭

入臨故繇此觀之。夫戰者。萬乘之存亡也。且臣聞之。

曰。削株掘根。無與禍鄰。禍乃不存。秦與荆人戰。大破

荆。襲郢。取洞庭五都。江南荆王亡。走東。伏于陳。當是

之時。隨荆以兵。則荆可舉。舉荆則其民足。貪也。地足

此下四段文
法長短錯綜

此言拔梁而
不取爲失計

利也。東以弱齊、燕、中陵、三晉，然則是一舉而霸王之名可成也。四鄰諸侯可朝也。而謀臣不爲引軍而退，與荆人和，令荆人收亡國，聚散民，立社主，置宗廟，令帥天下西面以與秦爲難，此固已無霸王之道一矣。天下有比志而軍華下，比密也言其志親大王以詐破之，兵至梁都，圍梁數旬，則梁可拔。拔梁，則魏可舉。舉魏，則荆、趙之志絕。荆、趙之志絕，則趙危。趙危而荆孤，東以弱齊、燕、中陵、三晉，然則是一舉而霸王之名可成也。四鄰諸侯可朝也。而謀臣不爲引軍而退，與魏氏和，令魏氏收亡國，取散民，立社主，置宗廟，此固已無霸

此言穰侯治
秦之失計所
為謀臣不忠
者

此言秦破趙
而不取為失
計

王○之○道○二○矣○。前○者○穰○侯○之○治○秦○也○。用○一○國○之○兵○而○欲○
以○成○兩○國○之○功○。兩國秦及穰侯所封也是○故○兵○終○身○暴○露○于○外○。
士○民○潞○病○于○內○。霸○王○之○名○不○成○。此○固○已○無○霸○王○之○道○。
三○矣○。趙○氏○中○央○之○國○也○。雜○民○之○所○居○也○。其○民○輕○而○難○
用○也○。號○令○不○治○。賞○罰○不○信○。地○形○不○便○。上○非○能○盡○其○民○
力○。彼○固○亡○國○之○形○也○。而○不○憂○民○氓○。在野曰氓。悉○其○士○民○軍○
于○長○平○之○下○。以○爭○韓○之○上○黨○。馮亭事大○王○以○詐○破○之○。拔○
武○安○當○是○時○。趙○氏○上○下○不○相○親○也○。貴○賤○不○相○信○也○。然○
則○是○邯○鄲○不○守○。拔○邯○鄲○。筦○河○間○。引○軍○而○去○。西○攻○修○武○。
踰○羊○腸○。降○代○。上○黨○代○三○十○六○縣○。上○黨○十○七○縣○。不○用○一○

正汪洋間忽
變出奇波

從起于趙故
趙亡則從敗

覆說趙事愈
有精神又于
趙事中更作
三段波瀾疊
疊

領甲不苦一民皆秦之有也。代上黨不戰而已。爲秦
矣。東陽河外不戰而已。反爲齊矣。此本趙所得齊地
今趙弱故齊復取
之中呼沱以北不戰而已。爲燕矣。然則是舉趙則韓
必亡。韓亡則荆魏不能獨立。則是一舉而壞韓蠹魏
挾荆以東。弱齊燕。決白馬之口。以流魏氏。流灌一舉也
而三晉亡。從者敗。大王拱手以須。須待也天下編隨而
伏。以繩次物曰編。編隨言衆隨而降伏也。霸王之名可成也。而謀臣不
爲引軍而退。與趙氏爲和。以大王爲明。秦兵之彊。霸
王之業。地曾不可得。乃取欺于亡國。是謀臣之拙也。
且夫趙當亡不亡。秦當霸不霸。天下固量秦之謀臣。

文緊甚似只收未段而前四段俱收妙手

此議與起手不合正見文法離奇變化

文氣紆徐

此結言戰之當慎固舉武

一矣。乃復悉以攻邯鄲。不能拔也。棄甲兵。怒戰慄而却。且怒且懼而退。天下固量秦力二矣。軍乃引退。并于李下。大王又并軍而致與戰。非能厚勝之也。又交罷却。致力也。厚大也。交罷却。秦與趙俱罷兵而退也。天下固量秦力三矣。內者量吾謀。臣外者極吾兵力。繇是觀之。臣以天下之從。豈其難矣。內者吾甲兵頓。士民病蓄積索。田疇荒。困倉虛。外者天下比志甚固。願大王有以慮之也。且臣聞之。戰戰慄慄。日慎一日。苟慎其道。天下可有也。何以知其然也。昔者紂爲天子。帥天下甲百萬。左飲于淇谷。右飲于洹水。淇水竭而洹水不流。以與周武爲難。

王襄主以爲勸

數字增色

今秦地一段
與前今秦地
一段首尾相
應

末段一正一
反總通篇之
意而結言之

武王將素甲三千領。素甲以素帛爲之非金革也戰一日破紂之國禽其身據其地而有其民天下莫傷智伯帥三國之衆以攻趙襄主于晉陽決水灌之三月城且拔矣。襄主錯龜數策占兆以視利害何國可降而使張孟談于是潛行而出反智伯之約得兩國之衆以攻智伯之國禽其身以成襄子之功。今秦地絕長續短方數千里名師數百萬秦國號令賞罰地形利害天下莫如也。以此與天下天下可兼而有也。臣昧死望見大王。昧死言不言所以舉破天下之從舉趙亡韓臣知死所荆魏親齊燕以成霸王之名朝四鄰諸侯之道大王

結歸重于已
以應篇旨且
與謀臣不盡
忠句相顧

試聽其說一舉而天下之從不破趙不舉韓不亡荆
魏不臣齊燕不親霸王之名不成四鄰諸侯不朝大
王斬臣以徇于國以主不忠于國者主言以爲首惡

吳師道曰蘇氏論荀卿歷詆天下之賢人以自是其

愚李斯以其學亂天下其高談異論有以

激之也韓非此書歷詆秦之謀臣其剛愎

不遜自許太過則亦卿之風也

馮 觀曰此書爲初見秦其策全在破從一着中間

反覆歸咎謀臣不忠處波瀾起伏汪洋于

頃戰國之雄辯士也

許應元曰說難有陰用其說而陽棄其身秦殺非而用其術以收天下秦則巧矣非自知而自蹈之愚哉秦之誅非恐其爲韓也

張以忠曰揣摩精熟綜練淵沉故識議卓越而情事刻露至看其頓伏處更以神奇不測行之尤稱絕調

又曰韓非韓之諸公子也負奇才而不思亢宗乃說秦王以亡韓之策縱得不死恐亦難俛首而立秦廷矣

李斯上秦王書

瑰奇而蒼古
馳騁而精工
絕爲佳作
此書論物不
產于秦而秦
用之獨人材
不出于秦而
秦不用反覆
議論組織葩
藻而意獨至
千年以來所
絕少者
不引前代他
國事只以秦
之先爲言切
實動聽
只就逐客一

臣聞吏議逐客。竊以爲過矣。昔者繆公求士。西取由
余于戎。東得百里奚于宛。迎蹇叔于宋。求邳豹公孫
支于晉。作求一此五子者。不產于秦。而繆公用之。并國
二十。遂霸西戎。孝公用商鞅之法。移風易俗。民以殷
盛。國以富彊。百姓樂用。諸侯親服。獲楚魏之師。舉地
千里。至今治彊。惠王用張儀之計。拔三川之地。西并
巴蜀。北收上郡。南取漢中。包九夷。制鄢郢。東舉成臯
之險。割膏腴之壤。遂散六國之從。使之西面事秦。功
施到今。昭王得范雎。廢穰侯。太后逐華陽。昭王彊公

事反覆頓伏

結得自是斬

截

語意已盡復

總結上文而

覆說之文字

之開閣處

此下意有三

段而文法亦

三變

與五子者不

產于秦相應

上順說此倒

說自無新意

句法蒼練

室杜私門蠶食諸侯使秦成帝業此四君者皆以客
之功繇此觀之客何負于秦哉向使四君却客而不
內音納疏士而不用是使國無富利之實而秦無疆大
之名也今陛下致崑山之玉有隋和之寶垂明月之
珠日光如服也太阿之劍乘纖離之馬纖離良馬名建翠鳳
之旗以翠羽為鳳形而飾旗樹靈鼉之鼓鼉大魚也皮可冒鼓此數寶者
秦不生一馬而陛下說之何也必秦國之所生然後
可則是夜光之璧不飾朝廷犀象之器不為玩好而
趙國之女不充後宮駿馬駛騃不實外廐江南金錫
不為用西蜀丹青不為采所以飾後宮充下陳充斥後宮

將上面反說
一兩項又倒
一倒不覺重
疊喻覺精神

以韶虞與鄭
衛竝說此戰
國之習

一何也相應

兩句一正一

反

此結含無限

意

詞語激切一

言有萬鈞之

列娛心意悅耳目者必出于秦然後可則是宛珠之簪以宛地之傳璣之珥以傳璣綴阿綯之衣之齊東阿
衣錦繡之飾緣飾為不進于前而隨俗雅化變化佳
冶窈窕趙女不立于側也夫擊甕叩缶以節樂彈
箏拊髀而歌呼嗚嗚快耳目者真秦之聲也鄭衛桑
間韶虞舞象者異國之樂也今棄擊甕叩缶而就鄭
衛退彈箏而取韶虞若是者何也快意當前適觀而
已矣今取人則不然不問可否不論曲直非秦者去
為客者逐然則是所重者在乎色樂珠玉而所輕者
在乎人民也此非所以跨海內制諸侯之術也臣聞

勢

數語古今爲

名言

此又說逐客之害以動之

只物不產于秦四句隱括

前面許多意

思而結之何

等閑暇何等

筆力

地廣者粟多國大者人衆兵彊則士勇是以泰山不讓土壤故能成其大河海不擇細流故能就其深王者不却衆庶故能明其德是以地無四方人無異國四時充美鬼神降福此五帝三王之所以無敵也今乃棄黔首以資敵國却賓客以業諸侯與諸侯立功業使天下之士退而不敢西向裹足不入秦此所謂藉寇兵而齎盜糧者也夫物不產于秦可寶者多士不產于秦而願忠者衆四句結上文今却客以資敵國損民以益讎內自虛而外樹怨于諸侯求國無危不可得也隱關

上與四君創伯立業異

樓

昉曰此先秦古書也中間兩三節一反一覆一起一伏略加轉換數個字而精神愈出意思愈明無限曲折變態誰謂文章之妙不在虛字助語乎

張以忠曰辭極精彩論復雄博而文情激盪最足警醒人主

天壤間第一
篇奇文字

雄詞奇句出
之不盡真辨
士之文秦漢
古作也

此以一二字
立意之格

蘇子說齊泯王

臣聞用兵而喜先天下者憂為天約結而喜主怨者

孤為約以結與國而伐人人必怨夫後起者藉也言藉

有所資權是也非止藉人之勢而遠怨者時也得其

因其世之衰而乘之亦藉也人怨之則雖欲是以聖人從事必藉于權權者事之所

乘之不能也在也上言後起而務興于時時當伐而伐之不以夫

者藉藉此而已猶長也而時勢者百事之長也

權藉者萬物之率也率帥同而時勢者猶長也而時勢者百事之長也

故無權藉倍時勢倍昔而能事成者寡矣今雖干將

莫邪于將陽龍文莫邪陰漫理此二劍吳王使非得

人力則不能割劇矣割利傷也堅箭利金不得弦機

篇中用何以知其然也凡六用昔者凡八

之利則不能遠殺矣矢非不銛銛音先而劒非不利

也何則權藉不在焉何以知其然也昔者趙氏襲衛

車舍人主車者不休傳傳驛衛國城城城割平割平割平割地以求

也衛八門土以土塞門而守而二門墮音揮矣此亡國之形也

衛君跣行告遯于魏遯愬魏王武身被甲底劒底砥

也挑趙索戰邯鄲之中騫騫亂河山之間亂衛得是

藉也亦收餘甲而北面殘剛平墮中牟之郭中牟屬河南

衛非彊于趙也譬之衛矢而魏弦機也藉力魏而有

河東之地趙築剛平以侵衛齊趙氏懼楚人救趙而

伐魏戰于州西州屬出梁門軍舍林中魏記注宛馬

篇中用何也
何謂也何則
者凡十餘見

方叙事而旋
揣意中戰國
文所以婉暢
西漢則勁而
少直矣

不主怨不挫
强乃一篇主

飲于大河。趙得是藉也。亦襲魏之河北。屬河燒棘蒲。

趙州平棘縣隊黃城。黃城在魏州冠氏縣故剛平之。

殘也。中牟之墮也。黃城之隊也。棘蒲之燒也。此皆非。

趙魏之欲也。然二國勸行之者何也。衛明于時權之。

藉也。今世之為國者不然矣。兵弱而好敵。彊國罷而。

好衆怨。事敗而好鞠之。鞠窮也兵弱而憎下。人地狹。

而好敵。大事敗而好長詐。行此六者而求霸則遠矣。

臣聞善為國者。順民之意。而料兵之能。然後從于天。

下。從謂故約不為人主怨。伐不為人挫。彊敵

如此則兵不廢。權不輕。地可廣。欲可成也。昔者齊之。

意始終千餘
言皆不外此
有味乎其言
矣

層層提掇層
層收拾

分小大國二
段以張其勢

此段談大國
後起重伐易

與韓魏伐秦楚也。戰非甚疾也。分地又非多。韓魏也。
言得地。然而天下獨歸咎于齊者何也。以其為韓魏
等耳。主怨也。且天下徧用兵矣。齊燕戰而趙氏兼中山。秦
楚戰韓魏不休。而宋越專用其兵。此十國者皆以相
敵為意。而獨舉心于齊者何也。約而好。主怨伐而好。
挫彊也。且夫彊大之禍。常以王人為意也。欲為夫弱。
小之殃。常以謀人為利也。恃謀人以為。是以大國危。
小國滅也。大國之計。莫若後起而重伐不義。不義雖
不可。夫後起之藉。與多而兵勁。則是以眾彊敵罷寡。
也。兵必立也。事不塞天下之心。則利必附矣。大國行

知其云小國
寡信諸侯則
天下不賣蓋
微乎其微非
愚主之所悟
也

此游士之說
而微有合于
道
以吳王萊莒
作小結

繇此觀之亦

此則名號不攘而至。霸王不爲而立矣。小國之情莫
如謹靜而寡信諸侯。信猶恃也謹靜則四鄰不反。寡信諸
侯則天下不賣。外不賣。內不反。則穡積朽腐而不用。
幣帛矯蠹。言變其初而不服矣。小國道此。道猶行則不祠而
福矣。不貸而見足矣。故曰祖仁者王。立義者霸。用兵
窮者亡。何以知其然也。昔吳王夫差以彊大爲天下
先。襲郢而棲越。身從諸侯之君。諸侯從之而卒身死國亡。
爲天下戮者何也。此夫差平居而謀王。彊大而喜先
天下之禍也。昔者萊莒好謀。陳蔡好詐。莒恃越而滅。
蔡恃晉而亡。此皆內長詐。外信諸侯之殃也。繇此觀

三見

引喻曲當

是策蓋幾幾

審時度勢矣

是言也當在

滅中山後取

淮北滅宋侵

三晉之前蓋

已逆知泚王

之敗矣

之則彊弱大小之禍可見于前事矣語曰騏驥之衰

也駑馬先之孟賁之倦也女子勝之夫駑馬女子筋

力骨勁非賢于騏驥孟賁也何則後起之藉也今天

下之相與也不竝滅與猶恃也言與之相恃亦不皆亡在所處耳有能案

兵而後起寄怨而誅不直寄言假手于人不為主也微用兵而寄

于義隱其用兵之真情而寄寓于義以為名則霸天下可跼足而須也

跼不明于諸侯之故察于地形之理者不約親不相

質而固不趨而疾衆事而不反衆事猶共事交割而不相

憎交言彼此割地俱彊而加以親何則形同憂而兵趨利也

衆事宜多反覆交割地者宜相憎俱彊者何以知其宜不相下今皆不然以其同憂趨利故也

然也。昔者燕齊戰于桓之曲。燕不勝十萬之衆。盡胡

人。襲燕樓煩數縣。樓煩屬取其牛馬。蓋之噲夫胡之

與齊非素親也。而用兵又非約質而謀燕也。然而甚

于相趨者何也。形同憂而兵趨利也。繇此觀之。約于

同形則利。長後起則諸侯可趨役也。故明主察相誠

欲以霸王爲志。則戰攻非所先。戰者國之殘也。而都

縣之費也。殘費已先。而能從諸侯者寡矣。彼戰者之

爲殘也。士聞戰則輸私財而富軍市。士衆所聚輸飲

食而待死。士令折轅而炊之。殺牛而觴士。則是路窘

之道也。言財用窘中人禱祝。國中之人君翳釀。翳華

叙事碎而痛切西京以下不能湊泊矣

以待飲中通都小縣置社幾不用有事之邑莫不正

事而奉王

事謂財賦警備之事

則此虛中之計也夫戰之明日

屍死扶傷雖若有功也軍出費中哭泣則傷主心矣

死者破家而葬夷傷者空財而共藥

夷亦傷共供同

完者內

酺而華樂

酺大飲也華猶奢也

改其費與死傷者鈞

均

故民之

所費也十年之田而不償也軍之所出矛戟折鏃鉉

絕

鉉刀鏃鉉鉉作弦

傷弩破車罷馬亡矢之大半甲兵之具宮

之所私出也

宮如父子異宮之宮古者寓兵于農故私家出之

士大夫之所

匿斲養士之所竊十年之田而不償也天下有此再

費者而能從諸侯者寡矣攻城之費百姓理檐蔽音

十年之田不足以償一戰之費况又師之所處荆棘生焉師旅之後必有凶年乎曲盡行師之故曰戰鬪者八臣之利非八主之福

深監戰攻之
禍似勝策士
一籌

此言國無大
小好戰必危

此等機局李
斯以下知之
少矣

妙論

之國二再戰比勝。相此用兵之上節也。然、而、國
遂亡。君臣于齊者何也。不、啻、于、戰、攻、之、患、也。繇此觀
之。則戰攻之敗。可見于前事矣。今世之所謂善用兵
者。終戰比勝。終謂窮兵。而守不可拔。守城期于不拔。天下稱為善
一國得而保之。得所稱為善。此非國之利也。臣聞戰
大勝者。其士多死。而兵益弱。守而不可拔者。其百姓
罷而城郭露。外無居人。故暴露。夫士死于外。民殘于內。而城
郭露于境。則非王之樂也。今夫鵠的。非咎罪于人也。
便弓引弩而射之。便謂巧審弓。中者則善。人善。不中
則愧少長貴賤。則同心于貫之者何也。惡其示人以

天下仇之則
雖強必弱

後又引衛鞅
一段前後生
出如許風浪

難也。今窮戰比勝而守必不拔。則是非徒示人以難也。又且害人者也。然則天下仇之必矣。夫罷士露國而多與天下為仇。則明君不居也。素用彊兵而弱之。素猶常也。兵常用雖強必弱。則察相不事。不從事。則五兵不動。五兵不動。而諸侯從辭讓而重賂至矣。故明君之攻戰也。甲兵不出于軍。而敵國勝衝櫓不施。而邊城降。士民不知。而王業至矣。彼明君之從事也。用財少。曠日遠。而利長者。日雖曠闊。其利不窮。故曰兵後起。則諸侯可趨役也。臣之所聞攻戰之道。非師者也。師不用。雖有百萬之軍。北之堂上。言謀之于堂。雖有闔

總談自恣無
少拘攣迫促
之態

亂天下而自
安非仁人語

首以用兵後
起約結遠怨

問吳起之將闔閭將孫武也此言君臣互言禽之戶內千丈之城拔
之尊俎之間百尺之衝折之衽席之上衽臥席也故鐘鼓
竽瑟之音不絕地可廣而欲可成和樂倡優侏儒之
笑不乏諸侯可同日而致也故名配天地不為尊利
制海內不為厚故夫善為王業者在勞天下而自逸
亂天下而自安諸侯無成謀圖我之謀不成則其國無宿憂
也言無一憂何以知其然也佚治在我勞亂在天下則
王之道也銳兵來則拒之患至則趨之趨言往應之使諸
侯無成謀則其國無宿憂矣何以知其然也昔者魏
王惠擁土千里帶甲三十六萬恃其疆而拔邯鄲西

二端為言而
以權勢時藉
明之後皆推
言用兵不為
天下先之意
而不主怨之
意在其中錯
綜起應變化
不窮

圍定陽

屬上黨

又從十二諸侯朝天子以西謀秦秦王

恐之

孝公

寢不安席食不甘味令于境內盡堞中

堞城上女

墻

為戰具竟

境

為守備為死士置將以待魏氏衛鞅

謀于秦王曰夫魏氏其功大而令行于天下有十二

諸侯而朝天子其與必眾故以一秦而敵大魏恐不

如王何不使臣見魏王則臣請必北魏矣秦王許諾

衛鞅見魏王曰大王之功大矣令行于天下矣今大

王之所從十二諸侯非宋衛也則鄒魯陳蔡此固大

王之所以鞭箠使也不足以王天下大王不若北取

燕東伐齊則趙必從矣西取秦南伐楚則韓必從矣

政所謂常有
王人之意者

住健

此段總收愈
有波瀾有精

大王有伐齊楚心而從天下之志使天則王業成矣
大王不如先行王服王者服飾然後圖齊楚魏王說于衛
鞅之言也故身廣公宮制丹衣柱以丹帛飾柱建九旂音游
旂從七星之旗音於畫鳥隼為旗此天子之位也而魏王處
之于是齊楚怒諸侯奔齊齊人伐魏殺其太子覆其
十萬之軍魏王大恐跣行按兵于國而東次于齊然
後天下乃舍之當是時秦王垂拱而受西河之外而
不以德魏王故衛鞅之始與秦王計也謀約不下席
言于尊俎之間謀成于堂上而魏將已禽于齊矣衝
櫓未施而西河之外已入于秦矣此臣之所謂北之

堂上禽將戶內拔城于尊俎之間折衝席上者也

鮑

彪曰此策輾轉皆中事機而不詭于正雖鐘竽倡樂非所以啓人主者亦孟子色貨之比閔王驕不能聽以及鼓里之禍百世之戒也

唐順之曰是策不從揣摩押闢中來直論天下形勢用兵虛實惓惓以戢兵后事爲意縱佚駘蕩不詭于道奇士也

張以忠曰雄辭麗采以風馳電激之勢行之奇辨奪目而篇中層層頓挫層層關合極結撰之

工此先秦文之最勝者

此書雖以智
勇忠三平起
實重智者不
倍時一句蓋
欲其棄燕而
歸齊故即以
智者不再計
句中之下文
反覆詳論皆
不越此

魯仲連遺燕將書

吾聞之○智者○不倍時○而棄利○勇士○不怯死○而滅名○忠
臣○不先身○而後君○今公行一朝之忿○不顧燕王之無
臣○非忠也○殺身亡聊城○而威不信○與仲于齊○非勇也○
功廢名滅○後世無稱○非智也○故智者○不再計○勇士○不
怯死○今死生榮辱尊卑貴賤○此其一時也○願公之詳
計○而無與俗同也○且楚攻南陽○魏攻平陸○齊無南面
之心○楚魏在齊南齊有燕患不急南陽平陸故不南面與爭以爲亡南陽之害○
不若得濟北之利○濟北卽聊城地故定計而堅守之○今秦人
下兵○魏不敢東面○橫秦之勢合○此時秦與齊和故則

本言齊雖棄南陽斷右壤

尚必攻聊城

今楚魏既退

則齊無他虞

可專意于攻

聊城必不能

支矣其文參

錯婉轉

言齊計決以

搖其守

以前事動之

所以奪其心

以全燕見敗

以一城嬰守

所以見其能

楚國之形危且棄南陽斷右壤即平存濟北謂棄絕

所攻而不救志在計必為之今楚魏交退燕救不至

攻聊城定濟北也

齊無天下之規與聊城共據期年之敝即臣見公之

不能得也齊必決之于聊城公無再計言聊城難守不必復圖

彼燕國大亂君臣過計上下迷惑栗腹誤以十萬之

衆五折于外萬乘之國被圍于趙壤削主困為天下

戮笑公聞之乎今燕王方寒心獨立大臣不足恃國

敝禍多民無所歸心今公又以聊城之民距全齊之

兵暮年不解是墨翟之守也如墨翟守食人炊骨士

無反北之心是孫臏吳起之兵也如孫臏吳起之兵也卒士卒無二心能

此下云云皆誘惑燕將之辭非實事也

歸燕之說持喚起東游

齊意耳恐其未知所處再

把篡怯辱三字反前忠勇

智三字而引管仲曹沫因

敗為功之事以諷之

兩稱古人之事使知所擇

已見于天下矣

自楚攻南陽至此總故為公計不如

是計其守聊城之害

罷兵休士全車甲歸報燕王燕王必喜士民見公如

見父母交游攘臂而議于世功業可明矣上輔孤主

以制羣臣下養百姓以資說士矯國革俗于天下

今欲

燕將歸燕矯正功名可立也意者亦捐燕棄世東游

于齊乎請裂地定封富比陶衛

魏冉封陶商鞅封衛

世世稱寡

與齊久存此亦一計也二者顯名厚實也願公熟計

而審處一也

自公計至此擬其棄聊城之利

且吾聞效小節者不能

行大威惡小恥者不能立榮名昔管仲射桓公中鉤

篡也遺公子糾而不能死怯也束縛桎梏辱身也此

一起一伏聽
有自聳

此以管子曹
子感動燕將
處何處激切

歷以名字飲
之尚是戰國
風氣

三行者。鄉里不通也。世主不臣也。使管仲終窮抑幽
囚而不出。慚恥而不見。窮年沒壽。則亦名不免為辱
人賤行矣。臧獲且羞與之同名矣。荆淮海岱之間罵
奴曰臧罵婢曰獲
况世俗乎。故管子不恥身在縲綬之中。而恥天下之
不治。不恥不死。公子糾而恥威之不信于諸侯。故兼
三行之過。而為五霸首。齊王最初得周襄王賜文武
胙彤弓矢大輅故為五伯首
名高天下。光燭鄰國。曹子為魯將。三戰三北。而亡地
五百里。鄉使曹子計不反顧。議不旋踵。刎頸而死。則
亦名不免為敗軍禽將矣。曹子棄三北之恥。而退與
魯君計。桓公朝天下。會諸侯。曹子以一劒之任。劫桓

此結二子不
規規于小廉
下節欲燕將
之乘時立功
名耳故復結
一智字以應
前

公于壇坫之上。顏色不變。辭氣不悖。三戰之所亡。一
朝而復之。天下震動。諸侯驚駭。威加吳越。若此二士
者。非不能行小節。死小恥也。以為殺身亡軀。絕世滅
後功名。不立非智也。故去感忿之怨。立終身之名。棄
忿悁之節。定累世之功。是以業與三王爭流。而名與
天壤相弊也。願公擇一而行之。燕將得書泣三日猶
豫不決欲歸燕恐誅
欲降齊恐已降而後見辱喟然歎曰與人刃
我寧自刃乃自殺聊城亂田單遂屠聊城
真德秀曰。燕將之守聊城。此人臣之節也。仲連特為

齊計耳。故勸之以休兵歸燕。又勸之以叛
燕歸齊。皆非所以為訓讀者。不可眩于其

文而不察

陸深曰此書渾融奇拔

張以忠曰當時秦彊惟齊挾霸國餘威足以拊之仲
連射書聊城意欲彊齊以儼秦耳蓋卽不
肯帝秦之意

屈原卜居

此篇是千古
初調問詞大
都以堅貞獨
立與諂諛從
俗分說

此以下伴爲
不知所居竝
舉兩端以卜
之其不平之
氣勃勃如龍
蛇交措于胸
中
寧字與將字
有輕重

屈原既放三年不得復見竭智盡忠而蔽障於讒心
煩意亂不知所從乃往見太卜鄭詹尹曰余有所疑
願因先生決之詹尹乃端策拂龜曰君將何以教之
屈原曰吾寧惘惘欵欵朴以忠乎將送往勞來斯無
窮乎惘欵誠實傾盡之貌勞寧誅鋤草茅以力耕乎
將遊大人以成名乎貴幸者謂寧正言不諱以危身乎
將從俗富貴以媮生乎寧超然高舉以保真乎將呶
訾慄斯喔咻嚔以事婦人乎呶訾音足贊嚔音
慄詭隨也斯語辭喔咻嚔強笑
語也婦人君之所寵若鄭袖之類
寧廉潔正直以自

上句皆原所從也下句皆原所去也

總上文求決

何者可居

又言舉世是非不明求決

何地可以居

觀俗混濁而

不清一段則

原之特以

設蔽障于謔

之心事實未

肯有所疑也

清○平○將○突○梯○滑○稽○如○脂○如○韋○以○潔○楹○乎○
突梯滑稽委曲順俗也潔

楹○謂○同○諂○諛○也○楹○謂○戶○
寧昂昂若千里之駒乎將泛

泛○若○水○中○之○鳧○乎○與○波○上○下○偷○以○全○吾○軀○乎○寧○與○騏○

驥○抗○軛○乎○將○隨○駑○馬○之○迹○乎○
抗舉也軛車軛也寧與黃鵠比

翼○乎○將○與○雞○鶩○爭○食○乎○此○孰○吉○孰○凶○何○去○何○從○世○溷○

濁○而○不○清○蟬○翼○為○重○千○鈞○為○輕○黃○鐘○毀○棄○瓦○釜○雷○鳴○

雷○鳴○者○驚○衆○也○黃○鐘○為○聲○氣○之○元○而○
反毀棄之瓦釜聲之下者而反驚衆讒人高張賢士

無○名○吁○嗟○默○默○今○誰○知○吾○之○廉○貞○詹○尹○乃○釋○策○而○謝○

曰○夫○尺○有○所○短○寸○有○所○長○物○有○所○不○足○智○有○所○不○明○

數○有○所○不○逮○神○有○所○不○通○用○君○之○心○行○君○之○道○龜○策○

誠不能知此事

劉勰曰卜居標放言之致漁父寄獨往之才故能

氣往轍古辭來切今驚采絕艷難與竝能

王世貞曰卜居漁父便是赤壁諸公作俑作法于涼

令人永慨

張以忠曰原抱孤忠而鬱勃不伸故托此爲憤世嫉

邪之論其文獨創奇調崢嶸千古

文
編

卷三

三

宋玉對楚王問

此後世設問之祖

郢中以下三段全在過接

神轉接處用丰

總收二句下

去把鳥魚爲

喻意外主意

筆力雄偉

楚襄王問宋玉曰先生其有遺行與謂行有遺失也何士民衆庶不譽之甚也宋玉對曰唯然有之願大王寬其罪使得畢其辭客有歌于郢中者其始曰下里巴人國中屬而和者數千人其爲陽阿薤露國中屬而和者數百人其爲陽春白雪國中屬而和者不過數十人引商刻羽雜以流徵國中屬而和者不過數人而已是其曲彌高其和彌寡故鳥有鳳而魚有鯢鳳凰上擊九千里絕雲霓負蒼天足亂浮雲翱翔乎杳冥之上夫藩籬之鸚豈能與之料天地之高哉鯢魚朝

接下勢如下

坂警策精髓

處

瑰意琦行正

解遺行之說

安知臣之所

為正解不舉

之說

發崑崙之墟。暴鬚于碣石。暴露也。鬚魚之鬚也。碣石在海畔。暮宿于

孟諸。孟諸大澤名。夫尺澤之鯢。鯢魚也。小。豈能與之量江海之

大哉。故非獨鳥有鳳而魚有鯢也。士亦有之。夫聖人

瑰意琦行超然獨處世俗之民又安知臣之所為哉。

鄒守益曰意思峻絕詞法高簡

胡時化曰士君子有高世之行眾人固不識也如鳳

非鷄所知鯢非鯢所量可以觀士矣眾庶

不譽何傷哉

張以忠曰筆力高奇俊偉而轉接尤精潔熟之可以

得凌駕法

莊辛幸臣論

此文乃策賦之流

柳子厚漁者對智伯倣此體

體

從小以至大從物以至人

從外以至內緩而不驟見

而不觸故當細之乃遊說

之法

看他下四仞字十仞字百

臣聞鄙語曰見兔而顧犬未爲晚也亡羊而補牢

牢

養之

未爲遲也臣聞昔湯武以百里昌桀紂以天下

圉

亡今楚國雖小絕長續短猶以數千里豈特百里哉

王獨不見夫蜻蛉乎六足四翼飛翔乎天地之間俛

啄蚊蚋而食之仰承甘露而飲之自以爲無患與人

無爭也不知夫五尺童子方將調飴膠絲

飴米蘖所剪調以餌

之又施膠于加已乎四仞之上而下爲螻蟻食也夫

蜻蛉其小者也黃雀因是以俯嚼白粒仰栖茂樹鼓

翅奮翼自以爲無患與人無爭也不知夫公子王孫

仍字最有分
曉皆明其愈
高而愈危意

譬喻一節深
一節

一往意若貫
珠而機軸各
異段落分明
文法屢變所

左挾彈。右攝丸。將加已乎十仞之上。以其類爲招。晝
遊乎茂樹。夕調乎酸醎。倏忽之間。墜于公子之手。夫
黃雀其小者也。黃鵠因是以遊乎江海。淹乎大沼。俯
嚼鱖鯉。仰嚙陵蘅。草香奮其六翩。而凌清風。飄搖乎高
翔。自以爲無患。與人無爭也。不知夫射者方將修其
溶盧。集韻溶可爲鏃治其矰繳。矰弋射矢將加已乎
百仞之上。被剗磻。剗利也磻以石着維繳也引微繳。折清風而抐
矣。抐下也故晝遊乎江河。夕調乎鼎鼐。夫黃鵠其小
者也。蔡靈侯之事。因是以南。遊乎高陂。北臨乎巫山。
飲茹溪之流。食湘波之魚。左抱幼妾。右擁嬖女。與之

以為佳

漸說到襄王
身上文極委

曲

此策天下之

善規也襄王

雖失之東隅

而收之桑榆

故其季年保

境善鄰差為

無事此策為

有力焉

馳騁乎高蔡之中而不以國家為事不知夫子發方

受命乎靈王繫已以朱絲而見之也蔡靈侯之事其

小者也楚子誘蔡侯殺之于申君王之事因是以左洲侯右夏

侯輦從鄢陵君與壽陵君飯封祿之粟所封而載方

府之金方四方金其所貢也與之馳騁乎雲夢之中而不以天

下國家為事而不知夫穰方受命乎秦王填黽塞之

內而投已乎黽塞之外襄王聞之顏色變作身體戰

慄于是乃以執珪而授之為陽陵君與淮北之地

吳師道曰喪亂之後救敗扶傾之計皆失于辛特不

能大有所為耳劉辰翁極詆辛小人謂何

策之有皆失攷

胡時化曰禍幾所伏微矣哉童子之于蜻蜓公子之
于黃雀射者之于黃鵠物且不免况人乎
蔡靈侯之事襄王可鑒矣甚哉幸臣之不
可近也

張以忠曰意甚危激而詞反若平緩漸漸引入自當
令聽者神悚



